

## Opinbera deildin

### Ágætu félagar!

Að venju verður á þessum aðalfundi farið yfir það helsta sem gerst hefur á liðnu starfsári. Haldnir hafa verið tveir stjórnarfundir frá síðasta aðalfundi deildarinnar, sem haldinn var 12. febrúar 2018.

Ýmis mál hafa verið rædd á fundunum, m.a. um kjarasamninga og undirbúning þeirra og kosið í samninganefndir fyrir ríki og sveitarfélög, starfsmatið, og kjara- og viðhorfskönnun félagsins. Á sameiginlegum stjórnarfundum deilda í september var samþykkt að stjórnarmenn deilda skuli vera starfandi í þeim starfsgreinum sem starfsgreinadeildin tekur til.

Mikil og góð vinna fór fram á árinu við undirbúning kröfugerðar vegna kjarasamninga. Haldnir voru 31 opnir fundir með um 40 starfsgreinum á félagssvæðinu þar sem farið var yfir kröfur sérstakra hópa og vinnustaða. Félagið fór í þessa miklu vinnu til að ná fram sem bestum upplýsingum um vilja félagsmanna. Í könnun sem framkvæmd var í vor var spurt um almenn atriði í kröfugerðina en á þessum fundum var verið að ræða sérkröfur hópa eða vinnustaða. Fyrir síðustu samninga gafst vel að nota þessa aðferð og það sama var upp á teningnum nú. Hátt í 2.000 félagsmenn komu að þessari vinnu.

Á fundi samninganefndar félagsins sem haldinn var í lok janúar var samþykkt samhljóða að veita Starfsgreinasambandi Íslands samningsumboð vegna tveggja samninga sem renna út 31. mars nk. Annars vegar er að ræða kjarasamning SGS við ríkið og hins vegar sveitarfélaganna.

3. og 4. desember hélt SGS undirbúningsfundum vegna þessara kjarasamninga. Eining-Iðja átti auðvitað nokkra fulltrúa á þeim, en félagið er búið að skipa nokkra félagsmenn sem fulltrúa sína í undirbúningi og viðræðum við ríki og sveitarfélögin.

Vegna ríkissamningsins eru það:

- Björn Snæbjörnsson, formaður Einingar-Iðju
- Anna Júlíusdóttir, varaformaður Einingar-Iðju
- Bjarki Þór Skjaldarson, starfsmaður Vegagerðarinnar á Akureyri
- Júlía Birna Birgisdóttir, starfsmaður Heilbrigðisstofnun Norðurlands í Fjallabyggð.

Vegna sammings við sveitarfélögin eru það:

- Björn Snæbjörnsson, formaður Einingar-Iðju
- Anna Júlíusdóttir, varaformaður Einingar-Iðju
- Sigríður K. Bjarkadóttir, formaður opinberudeildarinnar og starfsmaður Lundaskóla á Akureyri
- Helga Ingólfisdóttir, starfsmaður Dvalarheimilisins Lögmannshlíðar á Akureyri
- Guðbjörg Helga Andrésdóttir, starfsmaður sambýlisins Borgargil á Akureyri.

Næsta miðvikudag mun SGS ganga frá kröfum gagnvart ríki og sveitarfélögum byggðar á kröfum sem komu frá félögunum og unnið var með á fundunum 3. og 4. desember.

Í lok janúar stóð deildin fyrir námskeiði í núvitund og markþjálfun fyrir félagsmenn. Góð mæting var á námskeiðið, sem var ókeypis, en það fór fram í sal félagsins á Akureyri. Leiðbeinandi var Sigríður Ólafsdóttir, markþjálfari og ráðgjafi hjá Mögnum markþjálfun og ráðgjöf, en hún skoðaði og ræddi um núvitund, markþjálfun og velvild í eigin garð.

Nýlega var skrifað undir samkomulag við Akureyrarbæ varðandi greiðslur fyrir matar- og kaffitíma tímavinnufólks. Deilur um þetta mál hafa staðið lengi yfir, en samkomulagið gerir ráð fyrir því að fyrir hvern klukkutíma í dagvinnu greiðist 4 mín í yfirvinnu og 12 mín á hvern klukkutíma í yfirvinnu.

Samkomulagið er frá 1. júní 2015 og því gildir það 3 ár aftur í tímann. Nú á að vera búið að greiða öllum þeim sem áttu inni hjá Akureyrarbæ, en kostnaður bæjarins vegna samkomulagsins er tæpar 30 miljónir króna.

Á aðalfundi deildarinnar í fyrra sagði ég frá því að félagið væri að fara af fara af stað með mál fyrir Félagsdóm gegn Akureyrarbæ, en við höfðum staðið í deilum við bæinn vegna vinnuskyldu trúnaðarmanna. Málið snerist um að þegar þeir sækja trúnaðarmannanámskeið milli 9 og 16 viðkomandi starfsmaður átti að vinna frá 16:00 til 23:00 sama dag þá var Akureyrarbær ekki að meta námskeiðið sem vinnuskyldu. Gleðilegt er að minna á að málið vannst fyrir Félagsdómi, en dómurinn sló því föstu að það samræmist ekki þeim meginreglum sem gilda um hlutverk og stöðu trúnaðarmann að láta þá gjalda starfa sinna sem trúnaðarmenn með því að greiða ekki full, reglubundin laun í þeim tilfellum er trúnaðarmannanámskeið hefur áhrif á getu þeirra til að sinna vinnuskyldu sinni. Þá tók Félagsdómur það sérstaklega fram að það hafi verið íþyngjandi krafa af hálfu vinnuveitanda að ætlast til þess að trúnaðarmaðurinn ynni kvöldvaktir eftir að námskeiðinu lauk, en sæta ella launaskerðingu. Um tímamótadóm var að ræða með mikið fordæmisgildi sem varðar réttindi trúnaðarmanna félagsins auk trúnaðarmanna annarra stéttarféлага á Íslandi.

Í apríl var haldinn árlegur fræðsludagur félagsins, en hann fór fram í Laugarborg í Eyjafjarðarsveit. Þarna voru mættir trúnaðarmenn og aðrir sem eru í trúnaðarstörfum fyrir félagið, um 100 manns. Dagskráin hófst kl. 10 um morguninn og lauk um kl. 17. Ekki er búið að taka ákvörðum um hvenær fræðsludagurinn í ár verður en sennilega verður það um miðjan september, það verður auglýst með góðum fyrirvara.

Í lok október fór fram 43. þing ASÍ í Reykjavík, en þingið sem bar yfirskriftina Sterkari saman! stóð yfir í þrjá daga. Seturétt á þinginu áttu alls um 300 þingfulltrúar, en þar af voru níu frá Einingu-Iðju. Fyrsti dagur þingsins bar upp á kvennafrídaginn og fóru þingfulltrúar á Arnarhól á baráttufund.

Fyrir þingið fóru starfsmenn ASÍ í tvær hringferðir um landið og héldu fundi til að undirbúa þingið. Hér fyrir norðan fór fyrri fundurinn fram á Akureyri í maí og sá seinni á Húsavík í september. Um 30 félagsmenn mættu á þessa fundi þar sem fjallað var um Tekjuskiptingu og jöfnuð, tækniþróun og skipulag vinnunnar, jafnvægi atvinnuþátttöku og einkalífs og húsnæði- og velferðarmál.

Í byrjun nóvember fór fram námskeiðið „Konur taka af skarið!“ sem AkureyrarAkademían, Jafnréttisstofa, Starfsgreinasambandið og JCI Sproti stóðu fyrir. Verkefnið fékk styrk úr Jafnréttissjóði Íslands og er markmið þess að hvetja konur til þátttöku og áhrifa innan verkalýðshreyfingarinnar.

Aðalstjórn félagsins ákvað að framkvæma aftur sambærilega kjara- og viðhorfskönnun og framkvæmd hefur verið ár hvert frá árinu 2011. Óhætt er að segja að mikil ánægja er með þjónustu félagsins og félagið sjálft. Niðurstöðu könnunarinnar má finna á heimasíðu félagsins.

Frá síðasta aðalfundi hafa verið haldin nokkur námskeið, t.d. dyravarðanámskeið, starfslökanámskeið og trúnaðarmannanámskeið. Önnur námskeið voru auglýst en ekki tókst að fá lágmarkfjölda á þau.

Ef einhverjir eru með hugmyndir að námskeiðum sem þeir hafa áhuga á, er um að gera að koma því á framfæri við Önnu varaformann félagsins.

Ég vil minna á að félagsmenn geta hvenær sem er haft samband við ráðgjafana í SÍMEY og fengið hjá þeim ókeypis ráðgjöf.

SÍMEY gerði nýlega samninga við Sveitamennt og Ríkismennt um starfstengda símenntun. Þarna er tekið fyrsta skrefið í átt að auknu og markvissu samstarfi á milli aðilanna í þágu þekkingaröflunar starfsmanna og sveitarfélaga og ríkisstofnana á Norðurlandi. Sjóðirnir munu greiða fyrir þátttöku þeirra almennu starfsmanna sveitarfélaga og ríkisstofnana, stofnana þeirra og sjálfseignastofnana sem eru aðilar að Sveitamennt og Ríkismennt. Hér er um að ræða þátttöku starfsmanna í starfstengdum námskeiðum sem skipulögð eru af SÍMEY. Félagsmenn í Einingu-Iðju sem eiga aðild að Ríkismennt og Sveitamennt geta því sótt námskeið hjá SÍMEY og greiða sjóðirnir fyrir þátttöku þeirra að fullu. Athugið að þátttaka mun ekki skerða einstaklingsstyrki starfsmanna í starfsmenntasjóðum.

Ég minni fólk á að orlofsblaðið kemur út í byrjun mars. Í sumar verður boðið upp á mikið úrval sumarhúsa eins og undanfarin ár.

Nýlega rann út frestur til að senda inn umsókn fyrir íbúðina á Spáni, sem er orlofskostur fyrir félagsmenn næsta sumar og kynntur var í jólablaði félagsins. Alls sóttu 30 félagsmenn um leigurnar níu sem í boði eru, tvær vikur í senn. Úthlutað verður í vikunni og því eiga þeir sem sóttu um að fá svar frá félaginu á næstu dögum.

Áfram verður boðið upp á Orlof að eigin vali. Styrkurinn í ár verður kr. 25.000 sem er hækkun um kr. 1.000. Alls verða 300 styrkir í boði í ár. Sækja þarf um styrkinn eins og orlofshúsin, þ.e. fyrir 3. apríl nk.

Eins og undanfarin ár verða þrjár ferðir í boði. Síðast þegar ég vissi voru laus tvö sæti í utanlandsferðina til fjögurra landa í ágúst. Um eru að ræða tvö aukasæti sem félagið fékk því það var orðið uppselt í ferðina.

Rúmlega 50 skráningar eru komnar í ferð sem farin verður til Grímseyjar 23. júní og því er ekki eftir neinu að bíða með að skrá sig fyrir þá sem hug hafa á að fara með, því bæði er um að ræða lágmarks- og hámarksfjölda í ferðina. Síðar verður auglýst hvenær byrjað verður að skrá í hina árlegu eins dags ferð fyrir aldraða félagsmenn sem farin verður 27. júní.

Á skrifstofum félagsins verður áfram hægt að kaupa útilegu- og veiðikort á niðurgreiddu verði, ásamt gistimiðum á Keahótelin, Fosshótelin og Edduhótelin.

Ég minni líka á varðandi sumarúthlutun orlofshúsa að nú er bara tekið við rafrænum umsóknum í gegnum félagavefinn þegar sótt er um sumarhús og „Orlof að eigin vali.“ Ef einhver þarf á að halda er hægt að mæta á skrifstofurnar og fá aðstoð við að sækja um.

Á félagavefnum geta félagsmenn líka skoðað punktastöðu og punktasögu, greiðslusögu vegna bóta og styrkja ásamt úthlutunarsögu vegna orlofshúsa. Einnig er þar hægt að skoða upplýsingar um stöðu orlofshúsa, sækja um, bóka yfir vetrartímamann og greiða fyrir orlofshús með greiðslukorti.

Ég vil enn og aftur minna á heimasíðu félagsins, www, ein.is, þar sem má m.a. nálgast gagnlegar upplýsingar um félagið, kjaramál, fræðslumál og réttindi launafólks. Síðan er vel virk og vel sótt af félagsmönnum og öðrum. Hægt er að skrá sig á póstlista á síðunni og fá þannig nýjustu fréttir sem á hana koma beint í æð.

Því má bæta við að ný heimasíða félagsins fer í loftið eftir nokkra daga. Áherslur og ásýnd hafa verið gerð nútímaleg og snjalltækjavæn en síðan er hugsuð út frá þörfum notandans. Tekið var til í leiðakerfinu þannig að vefurinn verður auðskiljanlegri og notast við hugtök og yfirflokka sem leiða notandann áfram á enn þægilegri hátt en núna. Stór valmynd gefur góða yfirsýn yfir innihald og verður aukaefni og tengiliðir birtir þar sem við á til að auðvelda næstu skref. Fyrir utan auðveldari flokkun og þægilegri vef að vafra þá verður auðveldara að hafa samband, augljóst hver tengiliður er varðandi ákveðin atriðið og leitarvélin endurbætt.

Félagið er með síðu á Facebook svo þið megið alveg endilega gefa okkur eins og eitt like á þá síðu og svo er um að gera að deila henni svo fleiri félagsmenn viti af henni.

Í vetur hafa starfsmenn félagsins á kjarasviði, Björn formaður, Anna varaformaður, Eyrún þjónustufulltrúi eða Hafdís lögfræðingur og þjónustufulltrúi, verið með fasta viðtalstíma á skrifstofum félagsins á Dalvík og Fjallabyggð og einnig í Hrísey og Grenivík. Mismikil aðsókn hefur verið í þess tíma og verður þessi þjónusta endurskoðuð með vorinu.

**Stjórn deildarinnar var þannig skipuð fyrir síðasta starfsár:**

Formaður	Sigríður K. Bjarkadóttir	Lundarskóli
Varaformaður	Elísabet Skarphéðinsdóttir	Hrafnagilsskóli
Ritari	Anna Dóra Gunnarsdóttir	Leiksk. Álfasteini
Meðstjórnendur	Ásrún Karlsdóttir	Frekari liðveisla
	Halldór Ari Brynjólfsson	Framkvæmdamiðstöð
	Hrönn Vignisdóttir	Sjúkrahúsið á Akureyri
	Tómas Jóhannesson	Þrastarlundur

Þórhalla Þórhallsdóttir  
Ingibjörg M. Ingvadóttir

Hlíð  
Dalvíkurskóli

Í ár verður kosið um formann, ritara og þrjá meðstjórnendur til tveggja ára. Einnig þarf að kjósa um varaformann til eins árs.

Ég vil þakka Elísabetu Skarphéðinsdóttur sem nú lætur af stjórnarstörfum fyrir samstarfið á liðnum árum. Ég vil einnig þakka öllum þeim sem ég hef starfað með á liðnu ári fyrir ánægjulegt samstarf og viðkynningu, sérstaklega öðrum stjórnarmönnum deildarinnar og starfsmönnum Einingar-Iðju. Að lokum þakka ég Birni Snæbjörnssyni, starfsmanni deildarinnar fyrir gott samstarf á árinu.

Takk fyrir.